

Arkiv: FA-G01, FA-G03
JournalpostID: <jplD> 20/28056
Saksbehandlar:
Dato: 13.05.2020

Saksframlegg

Saksnr.	Utvalg	Møtedato
047/20	Alver kommunestyre	14.05.2020

Vedtak for å førebyggje og avgrense koronasmitte - justering 14.05.2020

Rådmannen sitt framlegg til vedtak:

Vedtaket skal førebyggje og avgrense smitte, beskytte sårbare grupper og oppretthalde nødvendig kapasitet i kommunen sine helsetenester.

Kommunale bygg og aktivitetar

- Kommunen stenger for utleige av alle kommunale bygg og eigedomar, og stenger idrettshallar og svømmehallar fram til 1. september 2020.
- I tillegg avlyser kommunen alle arrangement som er knytt til fysisk deltaking og utleige av kommunen sine lokalar i same tidsrom.
- Utandørs idrettsanlegg kan opnast for aktivitet i samsvar med nasjonale smittevernreglar.
- Kommunen kan nytte kommunale bygg og eigedomar til eigne tenester og aktivitetar etter gjeldande smittevernreglar, dette inkluderer også politiske møte.

Økonomisk ansvar

Alver kommune tar ikkje økonomisk ansvar som kan følgje av tiltaka.

Vedtak etter smittevernlova

Vedtaket er heimla i smittevernlova § 1-5 og § 4-1 og gjeld frå og med 14. mai 2020 til kommunen gjer nytt vedtak.

Alver kommunestyre 14.05.2020:

Behandling:

R.Bø-FRP og S.Knudsen-SP deltok ikkje i røystinga grunna teknisk problem. Det var 38 representantar tilstade under røystinga.

Framlegg om endring frå S.Toft-V:

Forslag om å endre første kulepunkt i rådmannen sitt forslag:

Kommunen opnar igjen for utleige til lokale lag og organisasjonar i alle kommunale bygg og eigedomar, inkludert idrettshallar frå og med 18.mai 2020. Opplegg for smittevern må dokumenterast og sendast inn til kommunen.

Framlegget fekk 5 røyster og fall S.Toft-V, M.Johnsen-H, L.Johnsen-MD, H.Weber-R og M.Riise-MDG

Framlegg frå SP, AP, KRF og H ved T.Larsen-H:

Endre rådmannens punkt 1 til:

Kommunen stenger for utleige av alle kommunale bygg og eigedomar, og stenger idrettshallar fram til 20. juni 2020. Symjehallar haldes stengt til skulestart. Kommunestyret ber rådmannen utrede mulige løsningslinjer for å åpne kommunale idrettshaller for born og unge etter skoleferien starter.

Formannskapet får fullmakt til å gjere ei ny vurdering og fatte nytt vedtak. Framlegget vart vedteke mot 3 røyster, H.Weber-R, S.Toft-V og M.Johnsen-H. Rådmannen sitt framlegg med endring vart vedteke mot 1 røyst, S.Toft-V.

KO- 047/20 Vedtak:

Vedtaket skal førebyggje og avgrense smitte, beskytte sårbare grupper og oppretthalde nødvendig kapasitet i kommunen sine helsetenester.

Kommunale bygg og aktiviteter

- Kommunen stenger for utleige av alle kommunale bygg og eigedomar, og stenger idrettshallar fram til 20. juni 2020. Symjehallar haldes stengt til skulestart. Kommunestyret ber rådmannen utrede mulige løsningslinjer for å åpne kommunale idrettshaller for born og unge etter skoleferien starter.

Formannskapet får fullmakt til å gjere ei ny vurdering og fatte nytt vedtak.

- I tillegg avlyser kommunen alle arrangement som er knytt til fysisk deltaking og utleige av kommunen sine lokalar i same tidsrom.
- Utandørs idrettsanlegg kan opnast for aktivitet i samsvar med nasjonale smittevernreglar.
- Kommunen kan nytte kommunale bygg og eigedomar til eigne tenester og aktiviteter etter gjeldande smittevernreglar, dette inkluderer også politiske møte.

Økonomisk ansvar

Alver kommune tar ikkje økonomisk ansvar som kan følgje av tiltaka.

Vedtak etter smittevernlova

Vedtaket er heimla i smittevernlova § 1-5 og § 4-1 og gjeld frå og med 14. mai 2020 til kommunen gjer nytt vedtak.

Politisk handsaming

Saka skal avgjerast i kommunestyret

Bakgrunn

Alver formannskap gjorde følgjande vedtak i møte den 30.04.2020 (sak 51/20):

Målet med vedtaket er å førebyggje og avgrense smitte, beskytte sårbare grupper og oppretthalde nødvendig kapasitet i kommunen sine helsetenester.

Kommunale bygg og aktiviteter

Kommunen stoppar utleige av alle kommunale bygg og eigedomar og stenger idrettshallar og svømmehallar. Kommunen avlyser i tillegg alle arrangement, og all aktivitet og opplæring med fysisk deltaking i kulturskulen. Dei kommunale ungdomsklubbane skal halda stengt.

Økonomisk ansvar

Alver kommune tar ikkje økonomisk ansvar som kan følgje av tiltaka.

Vedtak etter smittevernlova

Vedtaket er heimla i smittevernlova § 1-5 og § 4-1 og gjeld frå og med 14. mai 2020 til kommunen gjer nytt vedtak.

Gradvis opning av samfunnet

Den 7. mai blei det lagt fram ein plan frå regjeringa om å opne opp samfunnet gradvis etter all nedstenging på grunn av koronaviruset. Planen inneheld ei justering av mange av koronatiltaka, ein samla oversikt finn de på nettsidene til regjeringa:

<https://www.regjeringen.no/no/aktuelt/regjeringens-plan-og-justering-av-koronatiltak/id2701493/>

Dei tiltaka som er mest aktuelle for kommunen er følgjande:

Frå 7. mai:

- Anbefalt storleik på grupper blir auka frå fem til maks 20 personar, med minst 1 meters avstand
- Det er mulig å gjennomføre treningar og organisert idrett for inntil 20 personar.
- Idrettshallar kan opne, men det er forbod mot bruk av garderobar i idrettshallar
- Det er lov med arrangement med inntil 50 deltakarar på offentleg stad, med minst 1 meters avstand og der det er ein ansvarleg arrangør
- Forbod mot utanlandsreiser for helsepersonell er oppheva
- Karanteneplikten er endra frå 14 til 10 dagar.
- Arbeidsgjevarar må sikre at tilsette kan halde ein avstand på minst 1 meter i heile arbeidstida. Tilsette skal unngå offentleg transport og det må framleis bli lagt til rette for heimekontor.

Frå 11. mai:

- Alle grunnskular skal opne på alle trinn frå veke 20
- Vaksenopplæring kan opne frå veke 20

Frå 1. juni:

- Det blir opna for organisert svømming, inkludert skulesvømming.

Frå 15. juni:

- Det blir opna for arrangement med opptil 200 personar
- Intensjon om å opne svømmehallar generelt for publikum.

Vurdering

Sjølv om det blir opna for fleire aktivitetar er det viktig at samfunnet held fram med å gjennomføre tiltak som hindrar smittespreiing, og alle må følgje smittevernreglane slik at vi ha kontroll på smittesituasjonen. For kommunen har det dei siste vekene vore særleg fokus på å opne barnehagane og skulane på ein trygg og forsvarleg måte, og lek, undervisning, skule-/barnehagedag og logistikk er lagt opp etter tydelege rettleiarar. Situasjonen er krevjande fordi systemet krev anna bruk av lokalar og det er strengare krav til reinhald og smittevern.

Gjennom kommunal kriseleiing (KKL) blir det jobba med ein plan for å opne opp att kommunen som arbeidsplass, tenesteytar og arena for mange ulike aktivitetar. Det blir gjort konkrete vurderingar til kvar aktivitet og teneste ut frå smittevernomsyn, og særleg knytt til kapasitet på reinhald. I regjeringa sin plan for å opne samfunnet blei det lagt vekt på at kommunen skal prioritere aktivitet for barn og unge. Dette er også noko kommunal kriseleiing vurderer fortløpande.

Rådmannen har gjort ei heilskapleg vurdering av regjeringa sin plan for opning av ulike aktivitetar og tiltak, og har sett at det er utfordrande å opne opp nokre av dei tiltaka som ligg i planen. Denne vurderinga er basert på ei heilskapleg vurdering av smittevernomsyn og kapasitet på reinhald. Rådmannen tilrår derfor følgjande hovudgrep:

- Kommunen stenger framleis for utleige av alle kommunale bygg og eigedomar, i tillegg til å stenge idrettshallar og svømmehallar. Dette gjeld fram til 1. september

2020. Bakgrunnen for å sette ein frist til 1. september er å vurdere konsekvensen av ei opning i etterkant av skulestart haust 2020. Idrettshallar og svømmehallar er særleg krevjande når ein ikkje kan nytte garderobar og det er heller ikkje kapasitet på reinhald for å kunne halde hallane opne.

- Kommunen avlyser alle arrangement som er knytt til fysisk deltaking og utleige av kommunen sine lokalar. Dette gjeld også fram til 1. september 2020.
- Utandørs idrettsanlegg kan opnast for aktivitet i samsvar med gjeldande smittevernreglar.
- Kommunen kan nytte kommunale bygg og eigedomar til eigne tenester og aktivitetar etter gjeldande smittevernreglar, dette inkluderer også politiske møte.
- Det blir fortløpande gjennomført konkrete vurderingar for opning av tenester som kulturskule, bibliotek og ungdomsklubbar i samsvar med gjeldande smittevernreglar.
- Opning av kontorarbeidsplassar og møteverksemd blir også vurdert etter ein plan og etter gjeldande smittevernreglar.

Tilråding:

Rådmannen rår til å justere det lokale vedtaket for å førebyggje og avgrense koronasmitte, framlegg til vedtak:

Vedtaket skal førebyggje og avgrense smitte, beskytte sårbare grupper og oppretthalde nødvendig kapasitet i kommunen sine helsetenester.

Kommunale bygg og aktivitetar

- Kommunen stenger for utleige av alle kommunale bygg og eigedomar, og stenger idrettshallar og svømmehallar fram til 1. september 2020.
- I tillegg avlyser kommunen alle arrangement som er knytt til fysisk deltaking og utleige av kommunen sine lokalar i same tidsrom.
- Utandørs idrettsanlegg kan opnast for aktivitet i samsvar med nasjonale smittevernreglar.
- Kommunen kan nytte kommunale bygg og eigedomar til eigne tenester og aktivitetar etter gjeldande smittevernreglar, dette inkluderer også politiske møte.

Økonomisk ansvar

Alver kommune tar ikkje økonomisk ansvar som kan følgje av tiltaka.

Vedtak etter smittevernlova

Vedtaket er heimla i smittevernlova § 1-5 og § 4-1 og gjeld frå og med 14. mai 2020

Vedlegg: